



all. n° 238

CANTIC

SANTES PHILOMEN,

GUERC'HES HA MERZERES,

Pehini so enoret e ilis LANDEVENEC,

TOST D'AR FAOU A DA REMENGOL,

Laquet e Brezonec gant

J.-P.-M. LESCOUR.

Var ton hymn ar Verç'hes : *Quàm pulchrè graditur.*

Gloar ha meuleudi deoc'h-hu, ô va Jesus !
 Da veza roët d'or bro, en e affliction,
 Ur prezant quer precius,
 Un æl a gonsolation.

O Santes Philomen ! en un oad c'hoas quen dister
 Ec'h estonit ar bed dre'r c'haëra vertuziou !
 Grit d'omp oll betec mervel
 Querzet bepret var ho roudou.

Ar brinces yaouanc-ma a voa merc'h da ur Roue ;
A bred e reas veu da chom bepret Goerc'hes
Ha d'en em rei da Zoue
Evit ar rest eus e buez.

Philomen ne doa quet a veac'h trizec vloas fournis,
Na rancas bizita palès Diocletien,
Pini, impalaër cris,
A bersecrete ar Gristenien.

Charmet deus e guenet, an Impalaër payen
A broposas dezi e c'hemer da bried :
Nan, nan, eme Philomen,
Da Jesus on en em voestet.

An tyrant estonet o clevet eur seurt refus,
E courrouçz, e fulor a chench e garantès ;
Da bep seurt tourmant scrijus
E condaon ractal ar brinces.

Var ar plaç ec'h ordren e zeuleur en eur prison :
Bourrevien dinatur e zourmant nos ha de,
Mæs, en he affliction,
Gant ar Verc'hes e consolet.

Lacat a ra staga un ëor ous e gouzoug,
Ac e zeuleur er mor evit beza beuzet,
Mes eb an distera droug
Gant un æl e ze delivret.

Rusia a rer en tan, birou evit e zrenzi,
Mes, dre permission an Doue souveren,
Elec'h treuzi ar Santez,
E teuent da squci ar vourrevien.

Enfin er c'hondaoner evit beza dibennet ;
Joayus e scuil he goad evit lezen Doue :
He ene gant an ælet
Zo douguet triomphant en êen !

Enor deoc'h, Philomen, ô merzeres glorius !
Curunet a c'hloar e barados Doue :
Obtenit digant Jesus
Ma er c'harimp ed hor bue.

Princès eus a bales an Autrou souveren,
Rosen gaër ha brillant dre ho virginite,
Enep hon adversourien
Preservit hor c'horf, hon ene.

Evit souten ho fei dirac un tyrant cruel,
D'an oad a drizec vloas oc'h eus roet ho pue ;
Ni ive, quentoc'h mervel
Eguet offanci hon Doue !

Bugale, tud yaouanq, c'houi oll gristenien fervant,
Imitit Philomen bemdez ed ho pue :
Eurus ar buguel yaouanq
Evel di a servich Doue !

He miraclou zo bras, ho niver zo infinit ;
Partout gant meuleudi e comzer anezo ;
Bezomp-ta recours dezi,
Graçou bras deomp a obteno.

E peb lec'h, e peb bro, he relegou galloudec
Evel un tenor caër gant prez zo recevet ;
Brema e Landevenec
Ho mirer ive gant respect.

Gât Arc'hescop Paris e zoant bet approuvet,
Dre urs Escop Quimper, var un auter neve
E zint bremâ exposet
Evit brassa gloar Doue.

Dar sul varlerc'h gouel Maria anter-cost,
Gant solanite bras e ve gret ar pardon,
Ac ar gristenien devot
A zeu d'e fidi a galon.

Hastomp-ta, va brois, hastomp oll d'e bisita,
A dreist-oll, tud a vor, hi eo ho patronès,
Ur Batronès ar vella :
Deomp oll d'e fidi assambles.

FIN.

Beza e zeus c'hoas e ilis Landevenec, hospen relegou
St^{es} Philomen, cals a relegou-all ac ispicial relegou Sant
Guenole, fondatour ha kenta Abad a gouent Landevenec;
relegou Sant Caourintin, Patron Escopti Kerne; relegou
Sant Per ha Sant Paul, Sant Sebastien, Sant Stephan, Sant
Pol-a-Leon, Sant Marc, Sant Guinal, Sant Bernard, Sant
Malo, Sant Idunet, etc., ac un niyer bras a re-all. An
tensôr caër ha precius-ze a viret goech-all gant cals a res-
pet e couent Landevenec : saveteet e zint bet dre c'hrac
Doue, eb an distera droug, epad an amser trist ac hor-
rubl eus ar revolution. An Antrou Escop e Guemper, goude
beza o bizitet ac o examinet, a ordrenas, d'an 28 a vis
guengolo, er bloavez 1837, o exposi a neve da veneration
ar Gristenien; ha brema e vent douguet bep bloas ac eno-
ret gant un devotion ac ur respect ar vrassa, da zeves par-
don Santes Philomen, d'ar zul varlerc'h gouel Maria anter-
cost.

Impr. Le Goffic Lanmeur